

Allsherjarnefnd.

44. aðalfundur SSA 24 -25. sept. 2010

Heilbrigðiseftirlit Austurlands

44. aðalfundur SSA haldinn á Breiðdalsvík 24. – 25. september 2010, tekur undir bókun af 93. Fundi Heilbrigðisnefndar Austurlands dags. 17.09.s.l., þar sem fjallað er um tregðu Umhverfisstofnunar (UST) til þess að framselja til HAUST verkefni sem vinna þarf á Austurlandi. Í bókun nefnarinnar segir m.a.:

„Heilbrigðisnefnd átelur vinnubrögð UST harðlega, ekki síst hvað varðar tregðu og seinagang við endurskoðun gildandi samninga en einnig vegna tregðu til þess að fara að yfirlýstum vilja ráðamanna þjóðarinnar og Umhverfissráðuneytisins í þá veru að eftirlit og þvingunarúrræði skuli færa til heilbrigðisnefnda sveitarfélaga, þar sem vilji og fagþekking eru til staðar. „

Aðalfundurinn fagnar áformum sem Umhverfissráðuneytið hefur kynnt í bréfi dags. 07.07.2010 um að styrkja lagagrundvöll þess efnis að hægt verði að framselja til heilbrigðiseftirlits, eftirlitsverkefni auk þvingunarúrræða. Hins vegar hefur slík lagabreyting lítið gildi ef undirstofnun ráðuneytisins (UST) hlítir ekki vilja ráðuneytis og stjórnvalda.

Aðalfundurinn ítrekar enn einu sinni að umhverfissráðherra og þingmenn norðausturkjördæmis beiti sér í málinu.

Ályktun um heilbrigðisþjónustu.

44. aðalfundur SSA haldinn á Breiðdalsvík 24. og 25. september 2010, skorar á yfirvöld heilbrigðis- og fjármála, og ríkisstjórn Íslands, að standa vörð um þá heilbrigðisþjónustu sem nú er veitt í landsfjórðungnum. Fundurinn leggur áherslu á að haldið verði áfram að efla og styrkja heilbrigðiskerfið á Austurlandi sem einn mikilvægasta grunnþátt nauðsynlegrar þjónustu við íbúa á svæðinu, ekki síst á jaðarsvæðum þar sem samgöngur eru erfiðar. Íbúar Austurlands eiga skýlausan rétt, samkvæmt lögum á góðu aðgengi að úrvals heilbrigðisþjónustu, eins og aðrir landsmenn.

Heilbrigðisstofnun Austurlands (HSA)

44. aðalfundur SSA haldinn á Breiðdalsvík 24. og 25. september 2009 skorar á Alþingi, fjárveitingavaldið og yfirvöld heilbrigðismála að sjá til þess að fjárframlög til stofnunarinnar taki mið af raunverulegri starfsemi hennar og getu. Heilbrigðisstofnun Austurlands (HSA), hefur þrátt fyrir niðurskurð á fjárframlögum á síðustu misserum tekist að halda uppi nauðsynlegri þjónustu, en vegna takmarkanna á samnýtingu starfsfólks og aðstöðu eiga heilbrigðisstofnanir í dreifbýli erfiðara með að svara kalli um hagræðingu og lækkun útgjalda en sambærilegar stofnanir sem starfa í þéttbýli. Heilbrigðisstofnun Austurlands hefur á undanförnum árum, með aukinni tækjavæðingu, getu og tiltrú á stofnunina, orðið færari um að sinna stærri hluta þeirrar heilbrigðisþjónustu sem áður var sinnt á höfuðborgarsvæðinu, með tilheyrandi tilkostnaði ríkisins og þeirra íbúa sem á þjónustunni þurfa að halda, enda er það þjóðhagslega hagkvæmt að sem mest af heilbrigðisþjónustunni sé veitt í nærumhverfi með staðbundinni grunnþjónustu og farandsérfræðingum.

Ályktun um fjárhagsleg samskipti ríkis og sveitarfélaga

44. Aðalfundur SSA haldinn á Breiðdalsvík 24. – 25. september 2010 skorar á ríkisvaldið að ljúka sem fyrst heildarendurskoðun á tekjustofnum sveitarfélaga í samvinnu við Samband íslenskra sveitarfélaga.

Þá leggur fundurinn áherslu á mikilvægi Jöfnunarsjóðs sveitarfélaga þannig að hann standi undir nafni. Leggja verður ríkari áherslu á það hlutverk Jöfnunarsjóðs að tryggja að hægt sé að veita sömu þjónustu við íbúa landsins óháð búsetu. Aðalfundurinn leggur jafnframt áherslu á að svarað verði og kynnt rækilega hvaða áhrif þær breytingar sem verið er að gera á sjóðnum, kann að hafa á einstök sveitarfélög á Austurlandi, eins og stjórn SSA hefur ítrekað kallað eftir. Aðalfundurinn ítrekar mikilvægi þess að landshlutasamtökum sveitarfélaga verði áfram tryggð framlög úr sjóðnum.

Flutningur á þjónustu frá ríkisvaldi 44. Aðalfundur SSA haldinn á Breiðdalsvíki 24. – 25. September 2010 hvetur ríkisvaldið eindregið til þess að halda áfram markvissum flutningi á verkefnum í nærþjónustu til sveitarfélaga, í góðri samvinnu við Samband sveitarfélaga í Íslandi.

Fráveitumálefni – Ítrekun 44. Aðalfundur SSA haldinn á Breiðdalsvík 24. – 25. september 2010 skorar á ríkisvaldið að framlengja kostnaðarþátttöku ríkisins í lögbundnum fráveituframkvæmdum sveitarfélaga.

Byggða- og atvinnumál

44 aðalfundur SSA 24. - 25. september 2010

Stofnanir ríkisins á Austurlandi (21)

44. aðalfundur haldinn á Breiðdalsvík 24. og 25. september 2010 skorar á þingmenn kjördæmisins að verja þau mikilvægu störf og þjónustu sem er á vegum stofnana ríkisins í fjórðungnum, s.s. í heilbrigðisþjónustu, þjónustu dýralækna, í samgöngumálum, skógrækt og löggæslu. Allar hugmyndir um flutning yfirstjórnar málaflokka í miðlægar stofnanir, oftast á höfuðborgarsvæðinu, draga verulega úr möguleikum landsbyggðarinnar á að hafa áhrif og taka virkan þátt í þróun stjórnsýslu ríkisins.

Þrátt fyrir óumflýjanlegan niðurskurð í rekstri hins opinbera hvetur fundurinn ríkisvaldið til að hvíka hvergi frá þeim fyrirætlunum sínum um að efla enn frekar starfsemi opinberra aðila á landsbyggðinni með tilfærslu starfa og nýrra verkefna.

Framkvæmdir á vegum ríkisins (22)

44. aðalfundur SSA haldinn á Breiðdalsvík 24. og 25. September 2010 lýsir þungum áhyggjum af þeim fyrirsjáanlega verkefnaskorti sem blasir við verktökum á Austurlandi. Í fjórðungnum hefur byggst upp mikilvæg verktakastarfsemi og þekking, en verkefnastaða er nú afar slæm og útlitið dökkt. Aðalfundur beinir þeim tilmælum til stjórnvalda að fjölga og dreifa framkvæmdaverkefnum meira en stefnt er að með nýrri samgönguáætlun stjórnvalda og stöðuleikasáttmála. Mikilvægt er að tryggja aðkomu sem flestra verktaka.

Þá er mikilvægt að ríkisvaldið flýti eins og kostur er verkefnum sem þegar eru í startholunum, t.d. uppbyggingu hjúkrunarheimila á Eskifirði og Egilsstöðum.

Þróunarfélag Austurlands (23)

44. aðalfundur SSA haldinn á Breiðdalsvík 24. og 25. september 2010 leggur áherslu á að í væntanlegum samningum milli Þróunarfélagsins og Byggðarstofnunar (iðnaðarráðuneytis) verði félagið styrkt enn frekar. Með því verður félagið betur í stakk búið til að sinna hlutverki sínu gagnvart sveitarfélögum, atvinnulífi og einstaklingum í landshlutanum.

Byggðaáætlun (24)

44. aðalfundur haldinn á Breiðdalsvík 24. og 25. september 2010 telur mikilvægt að stjórnvöld, í samvinnu við sveitarfélög og atvinnulífið, komi saman að gerð byggðaáætlunar þar sem horft verði sérstaklega til aðgerða sem miða að eflingu byggða sem staðið hafa frami fyrir hvað mestri fækkun íbúa á liðnum árum. Sú byggðaáætlun sem nú liggur fyrir Alþingi tekur í engu á þeim málum og er að mati aðalfundarins óásættanleg.

Þá skorar fundurinn á þFA að samhliða vinnu við sóknaráætlun verði unnin drög að sameiginlegri atvinnu- og byggðastefnu fyrir fjórðunginn sem í senn geti nýst sem innlegg í og/eða fyrirmynd að byggðaáætlun stjórnvalda. Stefnan verði unnin í nánú samstarfi við atvinnumálanefndir sveitarfélaganna og taki mið af fyrirbyggjandi atvinnustefnu, sérstæðu og helstu árherslum þeirra. Drögin verði kynnt á næsta aðalfundi SSA.

Leiðbeinandi vegamerkingar (25)

44. aðalfundur SSA haldinn á Breiðdalsvík 24. og 25. september 2010 hvetur Vegagerð ríkisins til að huga að leiðbeinandi merkingum við þjóðvegi til hagsbóta fyrir vegfarendur. Annars vegar er merkingum víða ábótavant er varðar mismunandi leiðaval, s.s. tilliti til ástands vega, ekki síst að vetri til.

Hins vegar skortir mikið á merkingar sem vísa á áhugaverða staði, byggingar, söfn og setur í líkingu við það sem þekkist víða erlendis. Fundurinn leggur til að nú þegar verði hafinn undirbúningur að leiðbeinandi merkingum í samstarfi vegagerðar, sveitarfélaga og ferðaþjónustuaðila.

Framlag til ferðamála, markaðsstofu og upplýsingamiðstöðva (26)

44. aðalfundur SSA haldinn á Breiðdalsvík 24. og 25. september 2010 fagnar þeim nauðsynlega stuðningi og viðurkenningu sem hið opinbera hefur veitt markaðsstofum landshlutanna og hvetur yfirvöld ferðamála til að draga hvergi úr stuðningi sínum. Stuðningur hins opinbera við ferðaþjónustuna hefur sannanlega skilað árangri og skiptir sköpum fyrir þessa ört vaxandi atvinnugrein. Ráðherra ferðamála er hvattur til að hvika hvergi frá áformum um áframhaldandi stuðning við málaflokkinn.

Upplýsingamiðstöðvar eru afar mikilvægur þáttur í að fjölga áfangastöðum ferðamanna, vísa þeim leið og tryggja ánægjulega dvöl. Því skorar aðalfundur SSA á stjórnvöld að tryggja nægjanlegt fjármagn til áframhaldandi reksturs landshluta- og landamæraupplýsingamiðstöðva á Austurlandi.

Vatnajökulspjóðgarður

44. aðalfundur SSA haldinn á Breiðdalsvík 24. og 25. september 2010 fagnar opnun nýrrar gestastofu, Snæfellsstofu á Skriðuklaustri, fyrir austursvæði Vatnajökulspjóðgarðs. Stjórnvöld eru hvött til að standa við gefin fyrirheit um framlög til uppbyggingar og rekstur þjóðgarðsins. Mikilvægt að bæta almennt aðgengi með vegabótum, stígum og merkingum, enda fylgja slíku marghátuð tækifæri til atvinnusköpunar í sátt við náttúruvernd.

Farþega og vöruflutningar til og frá Austurlandi

44. aðalfundur SSA haldinn á Breiðdalsvík 24. og 25. september 2010 vekur athygli á þeim árangri sem náðst hefur í farþega og vöruflutningum til og frá Austurlandi og byggja á samgönguöxlunum þremur, ferjuhöfn á Seyðisfirð, alþjóðaflugvelli á Egilsstöðum og vöruhöfn á Mjóeyri í Reyðafirði. Enn eru fjölmörg tækifæri til frekari nýtingar og framþróunar og þannig atvinnusköpunar í fjórðungnum sem byggja á þessum samgöngumannvirkjum og nálægðinni við Evrópu. Fundurinn hvetur til áframhaldandi samstarfs sveitarfélaganna og stofnanna um markaðsetningu og stuðning við það góða starf sem þegar er unnið sem og frekari nýsköpun á þeim grunni.

Mennta – og menningarmál

Aðalfundur SSA 24. -25. september 2010

Ályktun um Þekkingarnet Austurlands (ÞNA)

44. aðalfundur SSA haldinn á Breiðdalsvík 24. og 25. september 2010 fagnar framþróun Þekkingarnets Austurlands. Fundurinn leggur áherslu á að haldið verði áfram að efla starfsemina með því að auka námsráðgjöf. Einnig framboð og gæði þeirra námskeiða sem íbúum standa til boða. Þá fagnar fundurinn því að ÞNA hefur, í samstarfi við sveitarfélög og framhaldsskóla á Austurlandi, unnið að þróun og uppbyggingu námsvera/þekkingarsetra á Vopnafirði og Reyðarfirði. Fundurinn telur uppbyggingu háskólanáms á og frá Austurlandi afar jákvæðan þátt í þróun menntunar og tekur undir mikilvægi þess að auka framboð dreifnáms og blandaðs náms á háskólastigi.

Ályktun um háskólanám frá Austurlandi

44. aðalfundur SSA haldinn á Breiðdalsvík 24.-25. september 2010 fagnar hugmyndum mennta- og menningarmálaráðuneytisins um uppbyggingu háskólanets þar sem þekkingarsetrum á landsbyggðinni mun gefast kostur á að þróa og byggja upp háskólanám byggt á sinni sérþekkingu. Þessi þróun styður við áform um þróun meistaranáms í umhverfis- og þjóðgarðastjórnun sem unnið hefur verið að af Þekkingarneti Austurlands í samstarfi við Vísindagarðinn á Egilsstöðum og með stuðningi samfélagssjóðs Alcoa-Fjarðaáls. Fundurinn vill undirstrika mikilvægi þess að sérfræðingar, fagstofnanir og fyrirtæki á svæðinu taki þátt í þróun námsbrauta og námskeiða sem byggja á sérstöðu Austurlands og þeirri þekkingu og mannauði sem þar er til staðar. Aðalfundur SSA telur afar mikilvægt að háskólanám frá Austurlandi verði að veruleika og í þróun þess sé byggt á samstarfi fag- og fræðslustofnana, þekkingarsetra og framhaldsskóla í fjórðungnum. Aðalfundurinn leggur áherslu á að Háskóli Íslands haldi úti starfsemi í öllum landsfjórðungum.

Ályktun um miðstöð sjávarútvegsrannsóknna á Austurlandi

44. aðalfundur SSA haldinn á Breiðdalsvík 24. og 25. september 2010 skorar á ríkisstjórnina að styrkja fræðasetrið Búland í Neskaupstað sem miðstöð sjávarútvegsþjónustu og rannsókna á uppsjávarfiski. Í því skyni efli Hafrannsóknastofnun uppsjávarrannsóknir sínar í Neskaupstað, rannsóknir Matís í samvinnu við sjávarútvegsfyrirtækin verði auknar og starfsemi Fiskistofu verði styrkt.

Ályktun um rekstur og uppbyggingu framhaldsskóla

44. aðalfundur SSA haldinn á Breiðdalsvík 24. og 25. september 2010 leggur áherslu á að framhaldsskólarnir á starfssvæði SSA gegni lykilhlutverki í mótun mannlífs og undirbúningi ungmenna og annarra til þróttmikillar framtíðar á Austurlandi. Fundurinn felur stjórn SSA að vinna áfram að bættri aðstöðu skólanna til að gegna hlutverki sínu, m.a. til fjarkennslu og bæta þannig möguleika til náms í heimabyggð. Fundurinn skorar á stjórnvöld að endurskoða niðurskurð á fjárframlagi til fjarkennslu og standa þannig vörð um framhaldsnám í hinum dreifðari byggðum á Austurlandi. Einnig skorar fundurinn á stjórnvöld að standa vel að uppbyggingu og rekstri framhaldsskólanáms á starfssvæði SSA. Mikilvægt er að skólunum verði gert kleift að bjóða fram fjölbreytt nám og mæta ólíkum þörfum nemenda. Þá skorar fundurinn á yfirvöld menntamála að stórefla aðstöðu til iðn- og starfsnáms á framhaldsskólastigi í fjórðungnum.

Breytt hlutverk skólaskrifstofu Austurlands 44. aðalfundur SSA haldinn á Breiðdalsvík dagana 24. - 25. september 2010 samþykkir að beina þeim tilmælum til stjórnar Skólaskrifstofu Austurlands að fresta aðalfundi Skólaskrifstofunnar um mánuð. Jafnframt samþykkir aðalfundurinn að skipuð verði nefnd sem hefur það verkefni að endurskoða stofnsamþykkt skólaskrifstofunnar í samráði við stjórn hennar. Þá skal nefndin skoða sérstaklega eftirfarandi:

- að skólaskrifstofan taki að sér utanumhald með fjármálum vegna málefna fatlaðra á Austurlandi.
- að skólaskrifstofan taki að sér rekstrarlega ráðgjöf fyrir sveitarfélögin með fræðslumálum.
- að byggðasamlagið um skólaskrifstofu verði jafnframt byggðasamlag um málefni fatlaðra.
- að stjórn byggðasamlagsins verði skipuð sveitarstjórum allra sveitarfélaga á Austurlandi.

Nefndin skili af sér tillögum í október þannig að hægt verði að senda endurskoðaða stofnsamþykkt til allra aðildarsveitarfélaga skólaskrifstofunnar fyrir aðalfund hennar.

Aðalfundurinn leggur til að Björn Ingimarsson, Páll Björgvin Guðmundsson, Soffía Lárusdóttir, Svanhvít Aradóttir, Sigurbjörn Marinósson og Ólafur Sigurðsson skipi nefndina. Ólafur Sigurðsson tekur að sér að kalla hópinn saman.

Ályktun um menningarsamninga

44. aðalfundur SSA haldinn á Breiðdalsvík 24. og 25. september 2010 telur að samningur sveitarfélaga á Austurlandi og ríkisins í menningarmálum frá 9. janúar 2008 hafi leitt til öflugrar menningaruppbyggingar á Austurlandi og skorar á mennta- og menningarmálaráðuneyti og iðnaðarráðuneyti að endurnýja samninginn og stuðla þannig að frekari uppbyggingu menningar á Austurlandi. Aðalfundur SSA leggur einnig áherslu á að fjármagn ríkisins til menningarsamningsins verði ekki skert frekar og æskilegast væri að hlutdeild ríkisins aukist frá fyrri samningi.

Ályktun um menningarmiðstöðvar

44. aðalfundur SSA haldinn á Breiðdalsvík 24. og 25. september 2010 leggur á það áherslu að áfram verði fjórar menningarmiðstöðvar á samstarfssvæði SSA eins og verið hefur. Menningarmiðstöðvarnar hafa verið á Seyðisfirði, Fljótsdalshéraði, Fjarðarbyggð og Hornafirði. Um næstkomandi áramót munu Hornfirðingar hverfa af þessum vettvangi og starfa með Suðurlandi, en sérvið bókmennta og handverks hafa verið vistuð þar. Lagt er til að Menningarráð Austurlands, SSA og ráðuneyti menningar, mennta og iðnaðar hefji þegar vinnu við yfirfærslu þessara sérviða frá Hornafirði til Vopnafjarðahrepps og Fljótsdalshéraðs, en þessi sveitarfélög hafa þegar óskað eftir því að taka við hlutverki bókmennta og handverks.

Ályktun um menningarstefnu

44. aðalfundur SSA haldinn á Breiðdalsvík 24. og 25. september 2010 hvetur nýkjörnar bæjar- og sveitarstjórnir á Austurlandi til að vinna áfram samkvæmt nýlegri stefnu sveitarfélaga á Austurlandi í menningarmálum til 2014, sem samþykkt var á aðalfundi Menningaráðs Austurlands 7. maí 2009 og standa þannig áfram saman að öflugri atvinnuuppbyggingu á svið menningar og lista.

Mennta- og menningamál alls 8 samþykktir.

Samgöngumál

Vegir-flug-hafnir-fjarskipti .

Aðalfundur Sambands sveitarfélaga á Austurlandi, haldinn á Breiðdalsvík dagana 24. og 25. september 2010, lítur svo á að þær áherslur í samgöngumálum er voru mótaðar í framtíðarsýn í landssamgöngum á Austurlandi á aðalfundi SSA, dagana 25. og 26. september 2009, séu sá vegvísir er hafa beri að leiðarljósi á komandi árum varðandi þennan mikilvæga málaflokk.

Aðalfundur SSA felur því stjórn samtakanna að vinna í þeim anda er þar kemur fram en leggja sérstaka áherslu á eftirfarandi á komandi starfsári:

Vegasamgöngur : Aðalfundur SSA leggur áherslu á að Jarðgöng og aðrar mikilvægar stærri vegaframkvæmdir á svæðinu, sem um er getið í framtíðarsýn um landssamgöngur á Austurlandi, fari inn á fjögurra og tólf ára samgönguáætlun. Áhersla er lögð á að Norðfjarðargöng komi fyrst í röðinni af umræddum framkvæmdum enda er þar um að ræða mikilvæga framkvæmd út frá öryggissjónarmiðum (tryggt aðgengi að fjórðungssjúkrahúsinu á Neskaupsstað) auk þess að vera liður í því að styrkja Austurland sem heildstætt atvinnusvæði.

Aðalfundur SSA leggur þó ríka áherslu á að framlög til annarra nauðsynlegra vegabóta um Austurland eiga ekki að líða fyrir fyrirhugaðar stórar framkvæmdir, eins og t.d. jarðgangagerð. Skorað er á Alþingi að virða þetta sjónarmið og sjá til þess að nauðsynlegar vegabætur aðrar fái einnig rými á samgönguáætlun.

Aðalfundur SSA leggur áherslu á að framkvæmdir við stofn-, tengi- og safnvegi á Austurlandi fái flýtimeðferð, m.a. með hliðsjón af slæmu ástandi þeirra samanborið við ástand vega í öðrum landshlutum.

- **Aðalfundur SSA beinir þeim tilmælum til samgönguráðherra að þegar verði hafinn undirbúningur að útboði framkvæmda með klæðingu á Hringvegi 1 um Skriðuvatn og Víðigróf alls um 7 km leið.**
Áformuð veglína er sem næst á núverandi vegi og því ekki séð að verkið þurfi að fara í umhverfismat.
- **Aðalfundur SSA beinir þeim tilmælum til samgönguráðherra, að hluti Hringvegar 1 fyrir botn Berufjarðar, fari strax í frummat. Að afloknu umhverfismati verði þegar hafinn undirbúningur að útboði framkvæmda með klæðingu.**
- **Aðalfundur SSA beinir því til samgönguyfirvalda að staðið verði við fyrirheit um endurskoðun samninga um veghald þjóðvega í þéttbýli og að nýir samningar taki mið af þeim verðlagsbreytingum sem átt hafa sér stað á undanförunum árum.**

Almenningssamgöngur : Leitast verður við að gera almenningssamgöngur fjárhagslega-, samfélagslega- og umhverfislega hagkvæmar fyrir fjórðunginn sem he Aðalfundur SSA felur stjórn samtakanna að skoða í samstarfi við Vegagerðina kosti og galla þess að sveitarfélögin axli ábyrgð á þeim almenningssamgöngum sem innan fjórðungsins eru.

Flugsamgöngur: Í samræmi við framtíðarsýn í landssamgöngum á Austurlandi er mikilvægt að ráðist verði í nauðsynlegar úrbætur við Egilsstaðaflugvöll eigi hann að standa undir nafni sem einn af þremur meginásam í austfirsku atvinnulífi.

Aðalfundur SSA leggur áherslu á að flughlað við Egilsstaðaflugvöll verði stækkað til að auka öryggi flugvallarins og notkun hans.

Aðstæður sem sköpuðust hér á landi sl. vor hafa fært okkur heim sönnun þess að þessa er þörf.

Aðalfundur SSA leggur áherslu á að byggt verði aukið svæði fyrir þýrlur við Egilsstaðaflugvöll. Unnið verði að því að aðstaða og hluti útgerðar þýrlusveitar Landhelgisgæslunnar verði á Egilsstaðaflugvelli. Einnig verði tryggt að Egilsstaðaflugvöllur verði notaður sem flugmiðstöð vegna starfsemi sem tengd er hugsanlegri olíuleit á Drekasvæðinu, samanber tillögur sérfæðinga þar um.

Aðalfundur SSA leggur áherslu á að samgönguyfirvöld komi með virkum hætti að markaðssetningu Egilsstaðaflugvallar með það að markmiði að auka umferð um flugvöllinn og til hagsbóta fyrir atvinnulíf svæðisins.

Aðalfundur SSA leggur áherslu á að aukið rekstrar og framkvæmdafé til Egilsstaðaflugvallar verði tryggt með því að hluti varaflugvallargjalds renni til flugvallarins eins og ráð er fyrir gert í lögum um flugmálaáætlun og fjáröflun til flugmála.

Aðalfundur SSA leggur áherslu á að Norðfjarðarflugvöllur verði lagður bundnu slitlagi þannig að hann megi þjóna sjúkraflugi sem best.

Aðalfundur SSA áréttar fyrri ályktanir um mikilvægi þess að staðsetning Reykjavíkurflugvallar haldist óbreytt. Ætli Reykjavík að standa undir nafni sem höfuðborg alls landsins er mikilvægt að menn meðtaki þá staðreynd að stór hluti landsmanna sækir nauðsynlega þjónustu til höfuðborgarinnar með flugsamgöngum.

Hafnir: Aðalfundur SSA..... leggur áherslu á að haldið verði áfram að styrkja hafnarframkvæmdir, í samræmi við hljóðan 24. gr. hafnarlaga, og að við endurskoðun þeirra verði tekið tillit til mikilvægi þess að auk nýframkvæmda taki þau til meiriháttar viðhalds hafna.

Fjarskipti: Aðalfundur SSA fagnar þeim árangri sem náðst hefur í bættum fjarskiptum á Austurlandi en vekur athygli á að enn vantar nokkuð á að viðunandi árangur hafi náðst. Gera þarf átak í því að bæta þjónustu sk. 3G-kerfis en í dag er það kerfi engan vegin að uppfylla væntingar. Sérstök áhersla skal lögð á að litið verði til þarfa sjófarenda og þeirra er um vegakerfið fara.

Aðalfundur SSA leggur áherslu á það sanngirnismál að allir íbúar landsins (einstaklingar, fyrirtæki og stofnanir) sitji við sama borð varðandi verðlagningu á gagnaflutningum og háhraðatengingum, óháð búsetu.

Samþykkt á 44. aðalfundi SSA 25. Sept. 2010

SSA og stoðstofnanir

-Tillaga Samstarfsnefndar á aðalfundi SSA 2010

Aðalfundur SSA, haldinn á Breiðdalsvík 24. og 25. september 2010, samþykkir að haldið verði áfram að móta nýtt stjórnskipulag SSA og stoðstofnana með það markmið í huga að auka hagræðingu og efla þjónustu. Aðalfundurinn samþykkir eftirfarandi í þessu sambandi:

- Stjórn SSA endurskipi starfshóp til að leiða vinnuna. Í starfshópin verði skipaðir þrír fulltrúar af SSA og að auki skipi Þróunarfélag Austurlands, Atvinnuþróunarsjóður Austurlands, Menningarráð Austurlands og Markaðsstofa Austurlands einn fulltrúa hvert í hópinn. Jafnframt verði Þekkingarneti Austurlands boðin þátttaka í verkefninu með því að skipa fulltrúa í starfshópinn. Framkvæmdastjóri SSA vinni með starfshópnum.
- Hópurinn skal upplýsa stjórnir Þróunarfélagsins, Atvinnuþróunarsjóðsins, Menningarráðsins og Markaðsstofu Austurlands um framgang verkefnisins með reglubundnum hætti. Með sama hætti skal hópurinn upplýsa stjórn Þekkingarnets Austurlands.
- Í störfum sínum skal hópurinn taka tillit til undirbúnings nýs menningarsamnings sem nú er í burðarliðnum svo og verkefni sem felur í sér mat og endurgerð á stoðkerfi iðnaðarráðuneytisins, en vinna við þetta verkefni er nýlega hafin.
- Stefnt skal að því að hópurinn kynni tillögur sínar í maímánuði 2011 og verði þær teknar til umræðu á aðalfundi SSA það ár.

Samþykkt samhljóða

Starfshópurinn „Austfirsk eining“

-Tillaga samstarfsnefndar á aðalfundi SSA 2010

44. aðalfundur SSA, haldinn á Breiðdalsvík 24. og 25. september 2010, samþykkir að sveitarfélög á starfssvæði sambandsins endurskipi í starfshóp SSA og sveitarstjórnarráðuneytisins og skuli hópurinn bera vinnuheitið „Austfirsk eining“. Aðalfundurinn samþykkir eftirfarandi í þessu samhengi:

- Starfshópurinn skuli vinna að því að greina möguleika á frekara samstarfi allra sveitarfélaga á svæðinu um einstök verkefni.
- Starfshópurinn skoði möguleika á verkefnatilflutningi frá ríki til sveitarfélaga með það í huga að sveitarfélögin á Austurlandi leysi þau í sameiningu.
- Starfshópurinn haldi áfram vinnu við að greina kosti og galla sameiningar Austurlands í eitt sveitarfélag. Vinnan byggir á tímamótasamþykkt 43. aðalfundar SSA og styðst einnig við samþykkt stjórnar SSA frá 2. nóvember 2009 um áherslur sem þar koma fram.

Samþykkt samhljóða.

Kosningar á 44. aðalfundi SSA 24. - 25. september 2010

Aðalmenn

Varamenn

Stjórn SSA: Norðursvæði:

Stefán Bogi Sveinsson, Fljótsdalshérað
Sigrún Blöndal, Fljótsdalshérað
Arnbjörg Sveinsdóttir, Seyðisfjörður
Þórunn Egilsdóttir, Vopnafjörður

Gunnþórunn Ingólfssdóttir, Fljótsdal
Jón Þórðarson, Borgarfjörður
Ólafur Hr. Sigurðsson, Seyðisfjörður
Guðrún Anna Guðnadóttir, Vopnafjörður

Stjórn SSA: Suðursvæði:

Valdimar O. Hermannsson, Fjarðabyggð
Páll Baldursson, Breiðdalsvík
Gauti Jóhannesson, Djúpavogi

Jón Björn Hákonarson, Fjarðabyggð
Unnur Björgvinsdóttir, Breiðdalsvík
Andrés Skúlason, Djúpavogi

Skoðunarmenn ársreikninga:

Sigurjón Jónasson, Fljótsdalshérað

Ólafía Þ. Stefánsdóttir, Seyðisfjörður

Jóhanna Guðmundsdóttir, Fljótsdalshérað

Ari Bogason, Seyðisfjörður

Fulltrúar í Heilbrigðisefnd Austurlands tilnefndir á aðalfundi SSA 24. og 25. september 2010

Aðalmenn	Varmenn
Norðursvæði 2 aðalmenn og tveir til vara:	
Árni Kristinsson, Fljótsdalshérað	Aðalsteinn Ásmundarson, Fljótsdalshérað
Ólafur Hr. Sigurðsson, Seyðisfirði	Borghildur Sverrisdóttir, Vopnafirði
Miðsvæði: aðalmaður er formaður, einn varamaður. Fulltrúi náttúruverndarnefnd og varamaður hans	
Valdimar O. Hermannson, Fjarðabyggð	Elvar Jónsson, Fjarðabyggð
Fulltrúi náttúruverndarnefndar og varamaður hans	
Kristín Ágústdóttir, Fjarðabyggð	Eiður Ragnarsson, Fjarðabyggð
Suðursvæði, 2 aðalmenn og tveir til vara. Hefð er fyrir að báðir varamenn séu af Hornafjarðasvæði	
Sígurlaug Gissurardóttir, Hornafjörður	Haukur Ingi Einarsson, Hornafjörður
Andrés Skúlason, Djúpivogur	Birgir Árnason, Hornafjörður
Fulltrúar atvinnulífsins, einn aðalmaður og einn varamaður	
Benedikt Jóhannsson, Fjarðabyggð	Auður Anna Ingólfssdóttir, Fljótsdalshérað

Kosið á 44. Aðalfundi SSA Breiðdalsvík 25. Sept. 2010